

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 10/1-24 - ____/17
Bihać, 10.10.2017.godine

Na osnovu člana 52. Statuta Grada Bihaća („Službeni glasnik Grada Bihaća“ broj: 13/2015) i člana 183. stav 2. Poslovnika Gradskog vijeća Bihać („Službeni glasnik Grada Bihaća“ broj: 3/2016), Gradonačelnik u svojstvu predlagača propisa i drugih akata

O D R E Đ U J E

Izvjestioca Elminu Emrulović, šef Odsjeka za privredne djelatnosti u Službi za upravljanje lokalnim razvojem, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o izmjenama i dopunama Odluke o načinu držanja i zaštiti pasa i mačaka kao kućnih ljubimaca

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK

Broj: _____/17

Bihać, _____/17

GRADSKO VIJEĆE BIHAĆ

Na osnovu člana 52. Statuta Grada Bihaća („Službeni glasnik Grada Bihaća broj: 13/2015), i člana 140. Poslovnika Gradskog vijeća Bihać („Službeni glasnik Grada Bihaća“ broj: 3/2016), Gradonačelnik Gradskom vijeću dostavlja na razmatranje radi donošenja

Odluku o izmjenama i dopunama Odluke o načinu držanja i zaštiti pasa i mačaka kao kućnih ljubimaca

PRIJEDLOG

Obrazloženje

Pravni osnov za donošenje Odluke o izmjenama i dopunama Odluke o načinu držanja i zaštiti pasa i mačaka kao kućnih ljubimaca sadržan je u:

- članu 12. stav (3) tačka z) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj: 8/11) koji propisuje da: „U vlastite nadležnosti jedinice lokalne samouprave posebno spadaju, između ostalog i zaštita životinja.“
- u članu 35. stav (1) tačka c) Statuta Grada Bihaća („Službeni glasnik Grada Bihaća“ broj 13/15) koji propisuje da Gradsko vijeće u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Razlozi za donošenje

Gradsko vijeće Bihać, na 6.sjednici održanoj dana 20.02.2017.godine, donijelo je Zaključak o prihvatanju Nacrta Odluke o načinu držanja i zaštiti pasa i mačaka kao kućnih ljubimaca kao i stavljanja Nacrta Odluke na javnu raspravu.

Nacrt Odluke stavljen je na javni uvid građanima u periodu od 06.03.2017. godine do 13.03.2017. godine i to u prostorijama Grada Bihaća - Info pult, u vremenu od 9,00 – 15,00 sati, objavom na web stranici Grada Bihaća, MUP-u Unsko - sanskog kantona, Veterinarskoj

inspekciji Unsko - sanskog kantona, JP „Veterinarska stanica“ d.o.o. Bihać, JP “Komrad“ d.o.o. Bihać, Ministarstvu poljoprivrede, vodoprivrede i šumarstva Unsko - sanskog kantona, Udruženje lovačka organizacija „Bihać“Bihać, Služba za komunalne djelatnosti, vode, zaštitu okoliša i inspeksijske poslove, sve MZ-a Grada Bihaća. Svim subjektima je izvršena uredna dostava uz dostavnicu a predsjednici MZ-a pozvani su u nadležnu Službu da preuzmu materijale. Radno tijelo koje je imenovalo Gradsko vijeće , održalo je dva radna sastanka pregledalo sve primjedbe i sugestije , analiziralo rezultate javne rasprave i o istom podnijelo izvještaj predlagaču materijala.Predlagač je nakon dostavljenog izvještaja Radnog tijela Gradskog vijeća prihvatio prijedloge i mišljenja sadržane u izvještaju i utvrdio Prijedlog Odluke o načinu držanja i zaštiti pasa i mačaka kao kućnih ljubimaca koju je Gradsko vijeće donijelo na 9.sjednici održanoj dana 04.05.2017.godine i koja je objavljena u Službenom glasniku Grada Bihaća broj 7/17.

Prva policijska uprava, Policijska stanica Bihać obratila se Gradskom vijeću , aktom broj 05-04/07-1-3293/17 .KN od 14.06.2017.godine , tražeći tumačenje pojedinih odredbi Odluke o načinu držanja i zaštiti pasa i mačaka kao kućnih ljubimaca koje se odnose na kaznene odredbe ističući da visina novčane kazne kao i nadzor nad provođenjem predmetne Odluke nisu usklađene sa Zakonom o javnom redu i miru USK („ Službeni glasnik USK-a“broj 15/2010) kao i Odlukom o javnom redu i miru („ Službeni glasnik Općine Bihać „,broj 3/13). Od Službe za komunalne djelatnosti , vode , zaštitu okoliša i inspeksijske poslove dobili smo mišljenje vezano za izmjene koje je potrebno uvrstiti u predmetnu Odluku kako bi se ista uskladila sa Odlukom o javnom redu i miru a u isto vrijeme bi se riješio i problem koji se pojavio u provođenju predmetne Odluke kada je u pitanju prisilno izvršenje rješenja komunalnih inspektora.

Finansijska sredstva

Za provođenje ove Odluke u Budžetu Grada Bihać za 2017.godinu nije potrebno planirati finansijska sredstva.

Prijedlog

S obzirom na naprijed izloženo, kao nosilac izvršnih poslova u okviru samoupravnog djelokruga Grada, a u okviru nadležnosti utvrđenih Statutom Grada Bihaća, uzimajući u obzir činjenicu da se ne radi o velikom broju izmjena predlažem da Gradsko vijeće nakon razmatranja, u skladu sa članom 154.Poslovnika Gradskog vijeća („ Službeni glasnik Grada Bihaća“ broj 3 /2016) donese Odluku o izmjenama i dopunama Odluke o načinu držanja i zaštiti pasa i mačaka kao kućnih ljubimaca po skraćenom postupku .

Gradonačelnik
Šuhret Fazlić

Na osnovu člana 8. stav 3. alineja 37. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06) i člana 35.tačka c) Statuta Grada Bihaća („Službeni glasnik Grada Bihaća”, broj: 13/15), Gradsko vijeće Bihać, na ____ sjednici održanoj dana _____ godine, donosi:

Odluku o izmjenama i dopunama Odluke
o uslovima, načinu držanja i zaštiti pasa i mačaka kao kućnih ljubimaca
na području grada Bihaća

PRIJEDLOG

Član 1.

U Odluci o uslovima , načinu držanja i zaštiti pasa i mačaka kao kućnih ljubimaca na području grada Bihaća iza člana 22 . dodaje se novi član 22.a koji glasi :

„Član 22.a

Sakupljanje , prevoz i prihvata prekomernih vlasničkih pasa i mačaka u postupku prisilnog izvršenja rješenja gradskog komunalnog inspektora vrši JP „ Veterinarska stanica „ d.o.o. Bihać u saradnji sa JKP „ Komrad „ d.o.o.Bihać , na trošak vlasnika pasa i mačaka .“

Član 2 .

U Odluci o uslovima , načinu držanja i zaštiti pasa i mačaka kao kućnih ljubimaca na području grada Bihaća član 24 . mijenja se i glasi :

„ Član 24.

(1) Komunalna inspekcija Grada Bihaća , u skladu sa svojim ovlaštenjima , vrši nadzor na provođenjem odredaba člana 6 , 7. 8. 9. 10. 11. 12. 13. 16. 17. 18. 19. i 23.ove Odluke.

(2) Veterinarska inspekcija , u okviru svojih ovlaštenja , vrši nadzor u slučajevima kršenja odredaba ove Odluke koje su uređene Zakonom o veterinarstvu i Zakonom o zaštiti i dobrobiti životinja.

(3) Policijska uprava Bihać , u okviru svojih ovlaštenja , vrši nadzor u slučajevima kršenja odredaba ove Odluke koje su uređene Zakonom o javnom redu i miru i Odlukom o javnom redu i miru .“

Član 3.

U Odluci o uslovima , načinu držanja i zaštiti pasa i mačaka kao kućnih ljubimaca na području grada Bihaća u članu 26, 27. i 28. briše se brojčana oznaka „ 13 .“

Član 4.

U Odluci o uslovima , načinu držanja i zaštiti pasa i mačaka kao kućnih ljubimaca na području grada Bihaća u članu 26. i 27. dodaje se brojčana oznaka „ 22 a „

Član 5.

U Odluci o uslovima , načinu držanja i zaštiti pasa i mačaka kao kućnih ljubimaca na području grada Bihaća u članu 29. briše se brojčana oznaka „ 16.“

Član 6.

U Odluci o uslovima , načinu držanja i zaštiti pasa i mačaka kao kućnih ljubimaca na području grada Bihaća iza člana 29 . dodaje se novi član „ 29.a“ koji glasi :

„ Član 29.a

Za prekršaje koji su utvrđeni članom 13. i članom 16.ove Odluke , primjenjuju se kaznene odredbe propisane Odlukom o javnom redu i miru .“

Član 7.

Ova Odluka stupa na snagu osmog dana od dana objavljivanja u „Službenom glasniku Grada Bihaća.“

Broj:
Bihać,

Predsjedavajući Gradskog vijeća
Davor Župa